

# Sustegn per la colliaziun dals territoris da skis a l'Alpsu

La confederaziun ed ils chantuns Grischun ed Uri sustegnan la colliaziun Andermatt-Sedrun-Mustér

■ (cc) Ils chantuns Grischun ed Uri sa participeschan ensemen cun la confederaziun en il rom da la nova politica regionala (program San Gottardo 2020) a la colliaziun dals territoris da skis da la Andermatt-Sedrun Sport SA cun tut en tut 48 milliuns francs. Per il Grischun stat en il center da las stentas da promoziun la creaziun d'in territori funcziunal en la part sura da la Surselva ch'è collià cun Andermatt. En la nova arena da skis (Andermatt-Gemstock-Oberalp-Sedrun) duain tenor il plan da fatschenta dals investiders vegnir investids var 134 milliuns francs en in'emprima etapa. En il rom da la nova politica regionala sa participescha la confederaziun cun 40 milliuns francs, il chantun Uri cun 5 milliuns francs ed il chantun Grischun cun 3 milliuns francs. Uschia sustegnan la confederaziun ed ils dus chantuns da staziunament fermamain il svilup dal territori da skis ed il svilup economic da la regiun.

En connex cun la nova arena da skis vegn uss er concretisada l'idea da colliar ils territoris da skis da Sedrun e da Mustér che vegn discutada gia dapi in pèr onns. Quest project po er contribuir ina part impurtanta al svilup da l'infrastructura da skis ed uschia al svilup economic dal territori dal Gottard. Perquai èn ils chantuns Grischun ed Uri sco er la confederaziun pronts da garantir sut tschertas premissas er ina promoziun da las Telefericas Mustér SA.

Cun colliar ils territoris da skis da Mustér fin ad Andermatt vegn realisà in territori per il sport d'enviern modern, attractiv



Ils chantuns Grischun ed Uri sa participeschan ensemen cun la confederaziun a la colliaziun dals territoris da skis da la Andermatt-Sedrun Sport SA cun tut en tut 48 milliuns francs.

KEYSTONE

e varià. Quel attira, er en vista a la purschida da pernottaziuns engrondida, dapli giasts dal di e giasts da vacanzas internaziunals. La finamira è ina purschida completa internaziunalmain cumpetitiva, da la quala profitan – ultra dals giasts – er las

persunas indigenas e las collavuraturas ed ils collavuraturas da tut la regiun e che stgaf-fescha ina valurisaziun enorma per la regiun. Vitiers vegn la pussaivladad da rinforzar il turissem da stad. Tut en tut sa porchan a las interpresas d'alloschament

schanzas per investir, per stgaffir letgs chauds sco er per mantegnair e stgaffir piazzas da lavur. Da quai na vegnan betg mo a profitar l'economia e la populaziun en ils chantuns Uri e Grischun, mabain er en ils chantuns Tessin e Vallais.